

三十三冊

卷之三十一

春明逸史

六

林下筆記

林下筆記卷之三十一

春曉逸史目錄六

屏風相攬

周宗畫石

唐國畫才


河上藝

書畫作屏

意國圖詩

百鹿圖說

企鵝畫屏



林下筆記卷之三十

春明逸史目錄六

屏風相搜

周崇畫石

希園畫才

河上齋

書畫作屏

意園圖詩

百鴈圖說

金鷄畫屏

杏壇圖辨

檜樹圖說

花卉物理

染草

卉木之稱

五色竹

竹實

無花之果

有香海棠

雲林鞭羊圖

文與可墨竹

石陽正墨竹

白沙墨竹

紫霞墨竹

表西農牧丹

三韓古碑

明季事蹟

名琴異制

土鐘合律

七歲吹簫

墓誌改製

押字之別

五雲朵

章奏異稱

東國官名與唐朝同

燕人詩速

梅花詩句

直廬詩話

剥棗詩

東岳詩壇

城市全圖

綠意吟詩圖

木匠家

火器之屬

兵家諸書

武經七書

國初御藏書

可考文獻

摭文書目

林廬東乘書目

著書目錄

真殿本源

廟殿宮考

前代宮殿之名與東國同

華城行宮壁書

舊光化門

興化門

各司題額

東國書體

陵寢神道碑

我朝詩派

我朝畫宗

歐率更書

東坡真蹟

玄宰細楷

金生額字

衡山書帖

白月塔碑

神行師碑

瓊溪寺碑

文殊院碑

圓悟塔碑

斷俗寺碑

薦福之碑

詩人善書

名將善書

隸源所自

秋史評隸

東人載記

東媛載記

中官入中國

無門閥聞人

遠人之東來者

託現成語

鈎碎事

諸書考訂

物名俗稱

集古錄攷

十二分野

古今方域

皇明文武品階

清國文階

清國武階

八旗俸銀

文武辨品

命婦職

各省

三代拜相

祖孫拜相

外祖孫拜相

父子拜相

兄弟拜相

叔侄拜相

舅甥拜相

翁婿拜相

甥姪拜相

友婚拜相

查家拜相

屢代拜相

隱逸拜相

南行拜相

武臣拜相

國舅拜相

宗臣拜相

拜相不膺

大臣六卿

大臣軍銜

大臣文衡

致仕拜相

起復拜相

相臣封勲

相臣賜宅

相臣清白

相臣几杖

相臣致仕

相臣早科

相臣早拜

相臣晚拜

耄耄相臣

列朝院相

臨昂相臣
配享相臣
相臣之數
奉朝賀之數
耆社之數
文衡之數
戎垣之數
閣臣之數
清白吏之數

[illegible]

This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some faint smudges and a small dark mark near the top right corner. The left edge of the page shows the binding of the book, and the overall color is a warm, off-white or light beige.

林下筆記卷之三十

月城李裕元景春輯

春明逸史

屏風相搜

金游觀愛呂星田寫生圖余則好朱竹垞彙寫隸書
金公嘗以朱隸粧屏不離左右者為數十年余見而
愛之請借不許一日詫公以呂畫之美則曰其亦粧
屏耶即要相搜余得朱隸屏朝夕對玩人稱大官屏
周棠畫石

中朝人周棠字少伯贈余續蘭亭圖詩者也與為神

交殆三十年善詩又善畫其詩脫却規槩得之天然
金秋史正喜每見必謦去題畫詩其畫善寫生山水
尤工於石自言一日可畫百石而能各其形余嘗倩
寫八扇大屏石態極蒼鬱古怪堪供米老之拜也

希園畫才

李君漢哲號希園以畫擅名年未三十能得畫家之
妙諦也幼時紙上故落墨點如雲烟使之點綴少不
留意運毫頃刻畫成畫體誠奇才也各體件件皆能
中年尤工寫照

河上齋

唐詩有河上老人坐古查合丹只用青蓮花人生八十如四十口道滄溟是我家殆仙語也圓嶠以亂草書之亦有羽化意可補兩絕也申宛丘皮於書室而題其楣曰河上齋鄭蕉泉宰安州摸本付繡工刺以黑質黃字果奇玩也雲石相公見而愛之余亦在座寓目至今多年未能忘情也

書畫作屏

壺山掛一幅書龍蛇流動其書曰羲之筆在鶩羣款為周萬清也余謁朴公先為偷目公笑曰不見人先見書可乎我有此書二本藏之久矣一則為秋史所

奪其一歸之於君荷漪任公詫以曾繼志畫蓮一紙
寫二莖可丈餘神韻逼真題曰千觔筆力十丈蓮花
為君寫照蓮耶仙耶二閣所愛畫與畫作兩扇屏供
余嗜痴之癖也

意園圖詩

中朝人為余成橘山意園圖贈之葉志詵以隸寫軸
頭唐世翼畫而題詩王楚材記而兼詩姚覲元王彥
渠姚經旬各有詩而多至屢疊姚經第作歌行陳文
楷楊曾沈慕琴楊普李兩帆鄭復光姚繆閏楊尚志
范友三馮志沂諸人或長篇或短律題之俱是南北

鴻匠也儘為鹽露之什而有時展對天涯比鄰之感
振觸于中也

百鴈圖說

吳君圭一能解書畫者也贈余百鴈圖似是元人所
寫而畫格神妙尾有翁覃溪詩詞及朴楚亭記文辭
意絢爛也細閱數遍仍即還之傍人怪問余曰此尤
物也看其題辭圖章則飄零度幻屢易主而轉圖者
也於此能無戒心乎

金鷄畫屏

倭人善畫畫丹楓樹下黃菊爛開蘭與竹間之石上

金鷄報曉海色朦朧此果名畫也正廟朝命金弘道
描寫一本在華城行宮畫意想必得於樂府黃鸝曲
也

杏壇圖辨

杏壇之杏世謂鴨腳樹余嘗於文會書院得見中國
杏壇圖即甘杏也吾夫子率羣弟子講學於樹下而
花萼鮮妍為屢百株壇隨而廣果大觀也後閱孫文
定嘉淦南遊記曰入曲阜登杏壇則紅花方盛以此
者之甘杏無疑而我東泮宮所種之為銀杏何也

檜樹圖說

中朝人贈闕里檜樹圖有記曰祖聖手植之檜榮枯
異常類於天地之否泰日月之薄蝕也歷世將千年
而至晉懷帝永嘉三年而枯伊後三百有九歲子孫
相守不敢毀至隋恭帝義寧元年復生後五十一歲
唐高宗乾封二年再枯後三百七十有四歲宋仁宗
康定元年復榮金宣宗貞祐二年罹兵燹枝葉無遺
後八十一歲元世祖至元三十一年故根重茂至皇
明洪武二十二年凡九十六歲之間其高三丈有奇
圍盈四尺枝葉甚盛與故本無異矣其始枯也晉北
石胡之亂其復生也唐成貞觀之治再枯於乾封為

武后竊國之漸荐榮於康定有宋室孔儒之興火於
貞祐茂於至元而七十四歲之後以啓大明文物之
盛聖人手澤有關於綱常名教所以庇覆斯文甄陶
庶品者豈惟宗支之榮也哉將與天地國家同悠久
而垂無疆也洪武已巳孔聖五十三世孫前翰林檢
討涇謹識恭讀一回根陳贊說曰此與文王蒼草周
公模木同一神物而統稱曰聖人之藝也

花卉物理

春花落瓣秋花落朵落瓣者有實落朵者無實有實
者種生無實者根生葉厚者冬青冬柏之類葉大者

早凋梧桐之類樹大者葉小槐之類蔓生者實大匏
瓜之類花美者無實牡丹之類花細者實美東李之
類易長者先萎晚翠者得壽余種樹林園驗之果然

染草

染草聖人取之以為文章表貴賤而五色之中孔陽
之朱為最貴之色未知染用何草也後世紅藍自外
番流入中國遂擅其美而古時染朱之草不著今不
可考矣余見燕人取百花貯于甕而漬之取汁染之
其醒色之物未知何用東國只知染藍葉青黛葛梅
而已紅紫等色茜藍之外不知也

卉木之補

常見草木攷卉者草木之總名木謂之華草謂之榮
不榮而實者謂之秀榮而不實者謂之英爾雅菱根
也木有直根有蔓根直根曰根蔓根曰祗韓子凡生
草而初達謂之莠方言草盛曰莽木茂曰葆風俗通
木族生為灌詩之集牙灌木者也無枝為檉木下曲
曰樛上竦曰喬槐棘曰喬爾雅之小枝上繞為喬漫
錄之以備一覽

五色竹

植物之中非草非木不剛不柔生十五日成棟櫟者

曰竹澄州之甘竹方竹成都之三稜竹道州之丹竹
飛魚口之紅竹島峯之白竹黃竹占城國之黑竹瀟
湘江之斑竹熊耳山之丹青竹華陽國之二色竹此
皆竹之恆者而我東之金絲烏竹尤奇也

竹實

晉書元康二年巴西界竹生花紫色結實如麥宋乾
道間亦有之東國嶺南產竹實晉州尤多果如麥作
米如粳糯米馨香余曾一嘗之

無花之果

草有無根而生者菟絲也木有無花而實者即無花

果余曾於燕市購來果結於葉上味甘

有香海棠

昌州海棠獨有香王禹偁詩云手植庭花滿院香東國無此種恨不得一見之以紫薔薇謂之海棠而曰有香非也

雲林鞭羊圖

倪元鎮山水名於世而其寫生則罕也蓮村有一古籊即黃初平之鞭羊圖也古木蒼壁儼然踞坐以鞭打石石化為羊宛如相對呀呀者然果絕品也

文與可墨竹

萬卷樓中有一古軸繡本剝落塵霉掩翳筆底神韻
雖其難辨枝幹蕭蕭宛具傲霜之態與東人法迥異
傳為文與可遺蹟而中土人皆祖此法云

石陽正墨竹

故相李忠穆澱之宅有八幅大屏畫是墨竹也各體
具備妙處入神若聞風雨聲曉於庭鳥鵲來投非凡
物也未知近在何處也

白沙墨竹

宗門先蹟中有白沙先祖墨竹畫一幅風掃雨灑之
狀也先生畫藝不載家乘而此幅傳來想或泐寂時

隨意弄筆者不期工而自工歟

紫霞墨竹

紫霞老人善於墨竹嘗言寫竹如寫書筆力所及不似似純以神行自合天機苟若渲彩則無神韻之可言免起鶻落豈從設色中能得者乎推此言而其工可知

裴西農牧丹

養研山房有花王圖大可丈餘渲色燦爛云是中朝人裴西農所寫也粧之為屏虛左一幅老人作詩咏其來歷詩與筆韻頗於畫可補三絕也

三韓古碑

新羅真興王北狩碑在今咸興之黃草嶺尹椿溪按
節本道移度庫中然石多剝蝕其完處辨之則書體
類魏人而文是定界之事及扈從人姓名僅餘一百
十八字也又有一碑在於漢北之僧伽山亦於伊
時同豎者也元立峯頂風雨所泐愈為剝缺雲石相
公曾於五十年前躬閱按摩口得九十二字云而今
成沒字碑也是乃東方金石之最古者而不為愛護
任他磨滅徒求其蹟於榻本之中可勝惜哉

明季事蹟

洪祁堂從容相對語及明季事因舉南北二略及東
林列傳論其民生塗炭賢人慘禍為之慨歎不已余
曰皇明立國其典章法度可謂比美三代然惟是苛
刻參於其間上不以寬恕下無得容措馴致元氣漸
削又況隆萬以來俗尚侈靡暴殄者多故天怒神厭
末流之禍至於此極然則不可以興亡專委於氣數
而但其君殉社稷臣死節義求之前古亦莫有及之
者是可以有辭於後世也祁堂搏膝曰誠哉斯言可
為一副史斷也

名琴異制

九霄環珮者琴之有名者也。是勝國舊物而在於李忠穆之家，聲極清越，宛如鶴唳碧空。後歸於徐楓石，復移他處。云今未知尚存也。余嘗過東海，偶得石上枯桐，斲成一琴，堪與環珮相上下。然恨無知音者與之共試也。近得唐人所作落霞琴，其樣與東人之制有異也。

土鐘合律

豐壤趙鄔南雲漢解聲律，嘗於汾院燔土造鍾分寸合式，懸于軒架，叩之應律清濁自分。然以新經火氣似剛勝而柔遜，余使之埋地數年，出而試之，始能和。

諧也

七歲吹簫

趙鄩南生而穎悟早通律呂七歲坐於其父兄膝上能吹短簫聲調之清濁高低自合於律時補神童及長愈臻於妙梨園工師俱趨下風每論某樂器手到輒嫻非惟琴瑟鍾磬以至羌笛羯鼓無不精通是余所目覩而試之者也抑方寸靈慧聲入心通而能歟

墓誌改製

曹松下允亨嘗於御前書華城長安門等題額墨漬于衣袖止廟命攜衣於帶又命書春祝諸本刻置內

閣是事具載於申宛丘所撰公墓誌後孫屬余改製
於是先言公書入顯隆園誌文次言書進麟經字本
蓋其時園誌以幾字式屢次書入合成一本故外人
不知然此等事當大書特書者也竊念公非但以筆
名於世有捧陽一節拓實立論可為兩得也

押字之別

古史補押之為用通于上下即今之着銜也押之釋
義曰以草書書其名為押也我國則押字惟君上當
之下則曰着銜也手決也着銜用於尊敬手決施於
卑賤者也

五雲朵

唐常陟作花押謂之五雲朵或稱押縫或稱押尾
章奏異稱

唐制臣下奏事非表非狀謂之牒子亦稱錄子今謂
之劄子我國疏劄即古之表狀也卓記古之牒子錄
子也皇明有揭清國有奏記而一名摺子也

東國官名與唐朝同

我國官名皆不襲古獨憲長名與唐偶同舊唐書注
御史臺大夫一員龍朔中改為大司憲

燕人詩連

曹子建七步而能成詩溫庭筠八叉而亦能卒篇古
書見之此固中原故俗也東人之入燕唱酬之席應
口輒對然後謂之島才不然則雖成珠玉未必為奇
申紫霞金秋史習知其事不其之對吟惟權永佐敏
於和答韻出輒應日屢百不倦行坐起立不少留滯
燕人尚今稱之

梅花詩句

古今詩話有云梅花詩當以林和靖之疎影橫斜水
清淺暗香浮動月黃昏之句為首可謂曠前絕後之
作也我東則諸家所咏名句雖多惟李參奉達呂之

此身政與香全化嗅遍梅花寂不知之句當其對也

直廬詩話

歐文忠論李杜優劣曰清風明月不用一錢買玉山自倒非人頽可見其橫放其所以警動千古而甫之於白也得其一節精強過之至於天才自放非甫可到也余與趙苕亭性教論是事或曰旣稱李杜則文章次序推可知也余曰百篇如一杜詩也少陵豈讓於青蓮哉若其姓字倒稱則響不如李杜而然烏可以此定其高下也古人以李為詩中天子以杜為詩聖天子有得失聖人安有過不及處耶

剥棗詩

孫谷李達剥棗詩曰隣家小兒來剥棗老翁出門毆
小兒小兒還向老翁道不及明年剥棗時上句違簾
樂府體如是而乾隆作詩一字違簾累月敲推不得
改之遂改於韻書頒行天下此亦有可觀也

東岳詩壇

東國詩家以李東岳稱居墨寺洞為詩壇于上日與
賓客賦詩名為東岳詩壇其下尊舍居之今皆墟矣
只留石刻

城市全圖

城市全圖非圖也卽詩而朴齋家作也其體若竹枝
詞滿紙臚列無非我國風俗入乎中原正廟洞燭之
罪其人此詩南漚吳省蘭載於所輯藝海珠塵中余
於中朝人筆談以城市全圖中市井之唾唾以邊吏
脊之拜拜以腰問其意余答曰此詩初見其義莫解
彼人相顧而笑更不問之彼人知機之捷如是

綠意吟詩圖

黃山金公道根寄紫霞詩曰樹意綠遮門申公畫綠
意吟詩圖粧成一軸權彞齋序之此軸盛行於世金
秋史洪海居俱有尾題印章楷行各體燦然余眇少

時一寓目今不知所終海居洪都尉顯周也

木窰家

北陵塋域種種頽圯修築之後無年無之窰家之造成也民獎甚多趙公冀永為北伯斲木作窰家其制一如國葬時所用草窰家大小亦一至於欄干中心鐵掛於紅索等節無不畢具後役野之一庫松京貴用綿布窰家大如私家一墓上闕以一長木撐其中其傍垂之以帳雖暴雨無滲漏之患兩物即公私間所用而闕北則將吏以無沾漑惡趙公而民則便之松京則吏民皆便之

火器之屬

我東火砲始于麗末判事崔茂宣學其法於元國焰
鎗匠云鳥銃本出於西域用以捕鳥雀故名鳥銃倭
奴得其制於呂宋國以為兵咒壬辰之變我國人始
見而駭之佛浪機者本西洋紅毛番種萬曆中襲殺
呂宋國王而據其地其人好用大砲故仍為火器之
名馬蹄着鐵始於尹弼商世宗朝人或曰金宗瑞

兵家諸書

歐陽子曰司馬之法本之禮讓後世莫行焉惟孫武
之書法術大詳考今之列非特四種所謂四種即權

謀形勢陰陽技巧析而為四由是兵家之文既載列
矣是乃廬陵習兵之論也以余所見武經七書尚矣
古有百將傳每篇記各人戰勝之策與事而畧具斷
語也宣廟朝命李公時發較正之令訓局鋟於梓此
書最為兵家妙諦而惜其所傳無多至於坐作進退
屯兵行陣之法戚氏紀効書起於禦倭略而為兵學
指南憲廟最為精通有非諸將所可及此天縱之聖
也

武經七書

六韜文武龍豹虎犬三畧上中下宋元豐中合孫子

十三篇吳子六篇尉繚子二十四篇司馬兵法李衛公問對名為武經七書

國初御藏書

世祖朝梁誠之奏言高麗肅宗始藏經籍其所印圖書之文二其一曰高麗國十四葉御藏書其一曰高麗國御藏書至今三百六十二年印文如昨今內藏萬卷書多其時所藏乞令今藏書後面圖書稱朝鮮國第六代癸未歲御藏書以真字書之前面圖書稱朝鮮國御藏書以篆字書之按高麗屢經兵亂能存近萬卷書我世祖以後開刊之書亦復不小而見存

者小此何故為蓄書之家小毀書之人多故也宜自朝家設禁無敢以丹紙為閑雜之用可也

可考文獻

我國文獻非不具備而舉經灰燼餘存無多然惟政院日記自天啓以後至于今者合為三千六百卷而中間篇次亦多經燼故抄出各司謄錄以充之是乃英廟朝事也此外有藥院日記三百餘卷自仁祖朝以下悉具之至於備局謄錄年前經火後更不繼修無可觀者太常有前後謄狀屢百度又謄書冊子為四五十卷而尚今不至間斷是亦一代文獻之不可

泐者也

攝文書目

聚奎樓上分貯經史子集總合經部一百十二種史
部一百六十六種子部二百四種集部三百二十四
種樓下奉御製御筆一百二十帙璿牒璿譜七十六
帙御定諸書一百三十八帙及經部一百三種史部
二百八十六種子部一百五十六種集部五百四十
七種宙合樓貯七書十四種隆文樓所貯羣書三百
五十一種隆武樓七百六十七種東二樓奉御製御
筆一百九十三帙璿牒璿譜五十二帙御定諸書八

十七帙及唐板經部十五種史部四十四種子部三十五種集部五十七種常板經部四十一種史部一百十四種子部六十六種集部一百五十二種其中最多卷者圖書集成一帙為五千二十二卷也

林廬東來書目

標翁稗說李齊賢撰筆苑雜記徐居正撰慵齋叢話成俔撰秋江冷話及師友言行錄南孝溫撰謏聞瑣錄曹仲撰丙辰丁巳錄任輔臣撰稗官雜記魚叔權撰青坡劇談李陸撰陰崖日記李耔撰海東野言許筠撰己卯錄補遺及己卯錄續集與乙巳傳聞錄安

璐撰龍泉談寂記金安老撰聽天遣閒錄沈守慶撰
石潭日記李珥撰己丑錄及續錄與海東雜錄諸人
所輯癸甲日錄禹性傳撰癸未記事無名氏撰時政
錄鄭澈撰象村雜錄申欽撰五山說林車天輅撰海
東樂府沈光世撰亂中雜錄趙慶男撰歷代要覽無
名氏撰再造藩邦志及光海日記無名氏撰凝川日
錄附光海初喪錄無名氏撰長貧胡撰尹耆獻撰寄
齋雜記及寄齋史草朴東亮撰東閣雜記李廷馨撰
畸翁漫筆鄭弘撰靈巖雜錄及懲咎錄柳成龍撰
聞韶漫錄及甲辰漫錄尹國馨撰松窩雜說李暨撰

松溪漫錄權應仁撰芝峯類說李晔光撰月汀漫筆
尹根壽撰梧陰雜說尹斗壽撰清江瑣語李濟臣撰
丁戊錄黃有唐撰逸史記聞無名氏撰青白日記無
名氏撰迨平日記申翊聖撰癸亥靖社錄無名氏撰
默齋日記安邦俊撰混定錄尹宣舉撰柳川劄記韓
浚謙撰竹窓閒話及松都記異李德洞撰紫海筆談
及荷潭破寂記與浯溪記聞錄金時讓撰也

著書目錄

體論類編二十四卷國朝謨訓二卷沙磧零金三卷
諸子百雋二卷戰國策節要一卷李氏金石錄十卷

漢隸叢書四冊楓嶽卷四冊來槎日錄一卷嘉梧稿
略十五卷林下筆記三十卷其目有十最多者曰文
獻指掌分十四編

真殿本源

璿源殿在於大內英廟朝倣文昭殿而達也奉肅宗
御真有事則告伊後英宗正宗純祖御真連為奉安
甲午後純元王后垂簾也以更不繼奉定之而憲廟
增建二間為奉翼宗虛置一間矣己酉後純元太母
特因情理又奉憲宗自後不得更奉故哲宗御真奉
於宗親府之天漢殿

廟殿宮考

永禧殿在京都始奉太祖世祖御真而仁祖丁丑繼
奉元宗御真後奉肅宗英宗純祖御真肇慶廟在全
州府奉始祖兩位神版永興咸興兩府本宮奉四王
及太祖神位濬源殿在永興府奉太祖御真慶基殿
在全州府奉太祖御真長寧殿在江華府奉肅宗英
宗御真當子丙寅移奉于永禧殿華寧殿在水原府
奉正宗御真

前代宮殿之名與東國同

唐北內曰宣政殿西曰延英門大明宮正南曰丹鳳

門太極殿左曰肅章門西曰金虎門中書省南曰光
範門金之汴京有殿曰仁政殿宋有穆清殿又寶鼎
縣行宮前殿曰穆清晉洛陽有崇禮門南齊又有崇
禮門晉有達陽門唐有宣仁門神武門元之大都城
東北門曰光熙西北門曰肅清我東殿闕宮門之名
皆避前代所稱然偶與之同者如此

華城行宮壁書

壯南軒房壁有亂草大字即曹松下書也其書曰未
老得閒方是閒正廟命因其壁而揮灑非另紙所書
者也修理時此書不改尚今墨光淋漓鬼魅不近抑

奪造化也歟

舊光化門

景福宮之舊光化門額字傳為洪啓禧筆而稱善書者也啓禧兼工楷書南漢大板經書是其筆也又書海州控海臺三字能見於十里之外果名手也

興化門

慶熙宮之興化門額字李海龍所書而龍蛇之變倭賦射化字之頭至今尚有矢鏃痕抑猜其名筆而然歟昌德宮之金虎門額字為徐四佳筆而畫法純正也進善門額字東萊君鄭蘭宗筆也

各司題額

議政府額字最補善書而云是徐四佳居正筆也地
部衙門及城北屯尹五耘東哲書也御營廳尹白下
淳書也備邊司金文谷壽恒書也而今改以廟堂即
李裕元書也太學之明倫堂王闡堂朱之蕃書也內
閣金字明倫堂朱夫子書也大司馬衙門宋尤庵書
也工曹刑曹韓石峯漢書也京兆府柳將軍赫然書
也崇禮門工曹判書柳辰全書也興仁之門李退溪書也壯
勇營金夢村鍾秀書而後改訓局東營趙忠敬萬永
書又改總衛營權彞齋敦仁書也右捕廳衙門張將

軍志恒書添衙門二字

東國書體

我東之書必以金生為本而多妍美近於晉若朴耕
成石磷朴彭年鄭蘭宗蘓世讓安平大君姜希顔成
守琛李濟臣成渾李瑠金麟厚李山海金玄成張維
李弘冒申翊聖尹舜舉尹宣舉金佐明朴恭輔蜀體
也金球李浣李海龍楊士彦韓濩尹根壽許穆尹文
舉尹新之李正英曹允亨晉體也

陵寢神道碑

北陵只豎短碣於神道書穆王翼王度王桓王某陵

云云無陰記又無碑閣太祖太宗陵有神道碑他陵則無之兩陵頌創業功德錄功臣故也健元陵碑成石磷書獻陵碑李德成書原記與追記并書者也成書蜀體也李書純得晉體皆絕寶也東人得晉法者以此為首二王家雖見之無以加贊憲廟命賤臣搦進二本時余得副本藏于家

我朝詩派

我朝詩人自徐居正後有金宗直金時習成侃李曹朴閔李荇申光漢鄭士龍奇遵朴祥林億齡林亨秀朴淳盧守慎黃廷或高敬命崔慶昌白光勳李達車

天輅李安訥權輶崔岵林惺金宗直任鉏李春英李
晔光許蔚李春元李植李敏求鄭斗卿也

我朝畫宗

我朝畫法安堅鶴林正金禔李禎趙涑善山水崔涇
金命國善人物趙之耘竹林守善錫毛魚夢龍善梅
花石陽正善竹金埴善牛各臻其妙也

歐率更書

歐陽詢書體唐宋以還至今盛行余於燕肆購得數
種卽醴泉銘及皇甫府君碑也皆是正畫而小十字
文最佳可謂雅俗兼備也

東坡真蹟

東坡之書稍大者所傳絕罕昔年得見一帖於嗽芳齋非楷非草典雅可愛後十年其帖流落人間暫時更閱不禁曠古之感也

玄宰細楷

同文堂燕京丹肆也所積者十縑萬緡而中有黃牯小帖黑本金字類於蠅頭星絡珠聯絲髮縈紆儘絕品也尾題董其昌而價高未購尚今不能忘情也

金生額字

羅州客舍有所謂柳色樓而題額集金生書也舊有

鬼魅擾於樓中人不能入處自懸題額後更無此患
抑筆能辟邪而然歟

衡山書帖

中朝人遺余一帖卽文徵明書而錄其奏對語者也
細字如綫妍美可愛尾有親王評題又得一水晶圖
章篆刻剝蝕備極蒼健而體樣缺落似是屢百年物
也後見衡山筆帖所款圖章與之一樣始知所自而
篆為玉磬樓三字也留作書悞之珠玩

白月塔碑

白月碑在於東京卽朗空大師塔銘而撰者崔仁流

也書者金生也其體不一或妍或險蓋由於初搨完而後搨刊也耳溪洪公為是千年古蹟移度庫中

神行師碑

神行禪師碑新羅伊于金自獻撰文沙門靈業書之體純二王法而徃徃有隸畫也唐元和八年所豎者而亦在東京也

雙溪寺碑

智異山雙溪寺有真鑑禪師碑崔孤雲撰書并篆者也體近白月碑蓋孤雲書法習於唐人而北將碑亦然也

文殊院碑

春川清平山有文殊院古之普賢院也唐貞觀十八年所建而後至高麗重修金富軾作記僧坦然書之其體本於聖教序也

圓悟塔碑

尚州鳳巖寺有靜真大師塔碑後唐翰林學士李夢游撰文張瑞說書之體同歐率更而勁則似勝宋軾德年間所豎者也

斷俗寺碑

曹溪斷俗寺有大鑑國師塔碑高麗致仕李之茂撰

文僧機俊書之體似白月碑而尤險金大定年間所
鑿者也

薦福之碑

薦福碑中土所有者也集右軍書出於蘭亭序而字
樣與鍾蔡大同右軍書之最也學書者始終之體各
異此或然乎

詩人善書

李青蓮以詩鳴於古今而其善書則未之聞也余入
山海關則門楣上有題字書是亂草龍蛇飛騰可為
巨觀也審其款即大唐李白也

名將善書

岳武穆不世有之名將也結髮從戎鞍馬靡暇而猶善於書豈不異哉余曾見墨庄二大字於豐恩別墅款以岳飛之書後復見其楷書體似率更而畫力之健有非人人之所可及也

隸源所自

尹五耘東哲工於隸書八燕購闕里所有碑文凡三十餘種也東國始知隸源自是之後各體分派有方者圓者蝕者折者統論則俱出於漢碑即隸之正路也然則五耘之功誠不少也燕市見漢隸字源又有

隸辨隸韻隸釋等諸種皆推本於漢也余十四五歲
臨五耘隸書等置多年近日披覽東之可惜裝成四
丹度于家

秋史評隸

金秋史求見余所寓隸書曰是乃靈光殿壁五鳳年
字法也人皆習見後漢隸法得西京體者甚罕惟魯
恭王壁字與靈光壁字相為表裏而所傳者只此恨
不發秘使橘山盡見也後得恭王壁其體稍方而別
無差等也

東人載記

東人之入中國或以功勲事業顯名千秋或以文章
書畫擅藝一時者上下數千年間指不勝撻然茲錄
其表著者以備參攷焉若大連少連之以孝行見稱
於聖人載於禮經尚矣至如曹元理見於西京雜記
乙支文德載於隋書蓋魏文高仙芝黑齒常之載於
新唐書王毛仲李正己王思禮李懷光大門藝載於
舊唐書金生見於和漢三才圖金思蘭金馮金士信
李多祚載於冊府元龜金忠義見於曆代書畫記張
保昇鄭年載於文苑英華金可記載於太平廣記崔
致遠載於廣輿記王臣仁見於金唐詩韓申一見於

清異錄朴寅亮見於澠水燕談李資謙金富軾見於
高麗圖經金國之始祖函普載於金史鄭可臣李齊
賢李公遂見於日下舊聞金濤見於舟州別集洪灌
李仁老金方慶郭頴金暄李頴李岳成石璘尹彥旼
李寧李崇仁見於珣文齋書畫譜徐居正鄭樞南袁
李德馨見於列朝詩集俱遜鄭夢周李穡金九容趙
云佐權近鄭道傳申叔舟權擧朴元亨許琮成倪李
衍盧公弼鄭士龍蘓世讓金安老許洽申光漢李希
輔尹仁鏡林百齡徐敬德洪暹辛應時李克堪高敬
命柳根崔滋許筠見於明詩綜金安國沈彥光李珥

見於靜志居詩話朴忠元魚叔權李後白奇大升李
山海見於許文穆集尹根壽見於太平清話李元翼
元均李恒福柳成龍權慆李福男李舜臣金應河金
尚憲載於備禦考

東媛載記

高麗高颺女為後魏文昭皇后生世宗樂浪王氏為
後周文德皇后生太祖敬海大臬女為金廢帝元妃
幸州奇轍妹為元順帝皇后我國清州韓確妹為皇
明太祖妃安東權永均女為成祖妃樂浪王氏女適
西城郡公馮朗生後魏文明皇后薛承冲女瑤為唐

相郭元振妻是皆見於史傳者也

中官入中國

李大順僑相人有寵於元世祖忠烈王入朝請詔於王以其兄為別將世祖曰官人有法制國有君朕何預焉金英安東人為皇明司禮監寵於憲宗不肯奉使本國曰吾安敢亢禮於吾國王明史補之有扶護正人之功清國通官本是我國人而徐姓最多

無門闕閤人

我國全以門閥取人故名以士子至死不為賤業人材亦不從此輩出然至若潘碩枰劉克良徐起鄭忠

信如此人可謂豪傑之士矣

遠人之東來者

麗季傑遜本回回人仕於元從大長公主東來因仕於麗朝有子曰長壽麗亡又仕本朝後又有西蜀之明昇

記現成語

世俗補引古語俱居常習用而不知出處可乎茲錄其緊以備參攷焉若名者實之賓許由語也水至清則無魚人至察則無徒孔夫子家語也金玉滿堂大器晚成俱老子語也禍福無門惟人所召閔子馬語

也人微言輕穰苴語也將門有將田文語也蚌鷸相持漁翁得利蘇代語也畫蛇添足陳軫語也遠水不救近火吹毛覓疵俱韓非語也傍若無人荆軻事也知其一未如其二一敗塗地俱漢高祖語也明目張膽張耳語也聚少成多積小致鉅董仲舒語也刻舟求劍按圖索驥淮南子語也偏聽生奸獨任成亂鄒陽語也福無雙至禍不单行劉向語也百聞不如一見趙充國語也酒囊飯袋王充語也鍾鳴漏盡夜行不休田豫語也自相矛盾王昶語也十指有長短痛惜皆相似難將一人手掩過天下目俱曹植詩也福

過灾生劉敬宣語也耕當問奴織當問婢白面書生
俱沈慶之語也三十六策走為上計王敬則語也風
流罪過潘子義語也快行無好步朱敬則傳也疾風
知勁草世亂識誠臣隋煬帝詔也掩耳盜鈴唐高祖
語也得他心肯日是我運通時唐太宗詩也聞名不
如見面房景伯語也膽大於身邱悅語也斬草除根
薛季昶語也近朱者赤近墨者黑王績語也不痴不
聾不可作阿翁唐代宗語也公道世間惟白髮貴人
頭上不曾饒杜牧詩也因過竹院逢僧話偶得尋生
半日閒李涉詩也白日莫空過青春不再來林寬詩

也日出事還生武元衡詩也近水樓臺先得月向陽
花木易逢春韋丹詩也垂頭喪氣韓全暉事也好事
不出門惡事傳千里和凝事也一網打盡王拱辰語
也汗流浹背趙鼎語也急流勇退錢若水事也耳聞
不如目見韓琦語也急則抱佛脚佛頭着糞俱王安
石語也久旱逢甘雨他鄉遇故知洞房花燭夜金榜
掛名時宋人詩也守株待兔宋人事也甬是何人我
是誰洪丹谷詩也打草驚蛇續常談也因禍為福轉
敗為功何承天語也拔去眼中釘五代史語也蛇無
頭不行金人語也一馬不被兩鞍元烈女衣氏語也

騎驢覓驢傳燈錄也駿馬每駝癩漢走巧妻常伴拙夫眠謝在杭詩也

鉤碎事

人只知有陽九而不知有陰九漢律曆志也仲夏日為長至仲冬日為短至今人誤以冬至為長至克典平在朔易以正仲冬日短是其證也冬至亦稱元明即元旦之意也人知有出火不知有內火周禮季春出火民從之季秋納火民亦如之也人只知四時改火而不知改水後漢書夏至浚井改水冬至鑽燧改火人只知元日有五辛菜不知人日有七種菜歲時

記也。只知九日登高，不知上元亦登高。韓愈有人日城南登高詩也。三月三日為重三，今人但知有重九而不知重三。冬至前一日亦為除夜，又謂冬住與歲除對。太平廣記也。臘日之明日為祝歲，世說也。晚歲餽問謂之餽歲酒，食相邀謂之餞歲。風土記也。人只知有海市而不知有山市，又有鬼市。登州記也。東國海市在海南。

諸書考訂

諸書攷訂多有相同者。白魚登舟，武王之後又有宋明帝河漸水合光武潯沱之後，又有慕容德之黎陽。

入水戮蛟周處之前已有澹臺子羽班衣娛親老萊
之外又有伯俞鳳雛之弭既有龐統又有顧邵金蓮
燭婦院既有韓軾而又有王珪舉飯牛而作相既有
寧戚又有百里奚八海求三神山秦皇漢武之前已
有燕昭王乘馬三年不知牝牡前有孫叔敖後有董
仲舒持竿誦經不知流夢高鳳之前已有朱買臣自
以身代誑敵免君紀信之前齊有逢父立試萬言
倚馬可代李白之前已有袁席被甲上馬以示可用
馬援之前已有廉頗被其容接名為登龍門前有李
膺後有韓愈者所不問主人既有王子猷又有袁粲

王右軍蘭亭修禊之後又有裴晉公洛濱修禊夢遊
華胥黃梁未熟既有呂翁又有洞賓命宮磨蝎前有
退之後有東坡得古書十字次韵成文既有周興嗣
又有蕭子範

物名俗稱

不托飢飢也不律筆也軍持淨瓶也不落酒杯也不
借草履也

集古錄攷

歐陽公集古錄中余所聚存者茲以載記用識嗜古
之有同癖焉古敦銘韓城鼎銘商維鼎銘古器銘周

穆王刻石及石鼓文秦度量銘嶧山刻石後漢華山
廟碑魯相置孔子廟卒史碑魯相晨孔子廟碑及碑
陰題名泰山都尉孔君碑孔宙碑陰題名孔君碑殘
字孔德讓碑楊公碑陰題名劉曜碑北海相景君銘
景君石郭銘瘞鶴銘遺教經黃庭經小字道德經費
鳳碑衡方碑北軍中侯郭君碑司隸魯峻碑玄儒婁
先生碑桂陽周府君記功碑武榮碑魏受禪碑公卿
上尊號表鍾繇表晉蘭亭序樂毅論後魏石門銘魯
孔子廟碑隋廬山道場碑唐九成宮醴泉銘皇甫忠
碑孔穎達碑興唐寺石經顏真卿東方朔畫贊中興

頌顏氏家廟碑李陽冰城隍神記合四十七本而比
於原目則未及五分之一矣原序云物常聚於所好
余雖好之所得未多何也惟是靈光甄五鳳字魯恭
王甄字堤堰字古器銘三十種皆集古錄之外而余
所得度者也

十二分野

角亢氐鄭分房心宋分尾箕燕分斗牛女吳越分虛
危齊分室壁衛分奎婁魯分胃昂畢趙分甯參晉分
井鬼秦分柳張星周分翼軫楚分東方屬尾箕甲子
後祭二星於北郊

古今方域

古九州虞十二州周九畿秦四十郡漢十三州郡晉
十九州唐十道開元中分山南為東西二道分江南
為東西二道增黔中京畿都畿三道宋十六路明兩
京十三省元時東國欲作海東省蓋齋先生奉王命
極力圖寢功著東方俾免左袵

皇明文武品階

直廬涖寂攷典籍隨手錄皇明及清國文武官品階
正一品太師太傅太保宗人令宗正宗人左右都督
階初授特進榮祿大夫陞光祿大夫勲文曰左柱國

武右柱國祿月支米八十七石從一品三少太子太師太傅太保都督同知階上同勲柱國祿七十四石正二品太子三少尚書都御史都督僉事正留守都指揮使衍聖公階文初授資政大夫加授資德大夫武初授驃騎將軍陞金吾將軍加龍虎將軍勲文曰正治上卿武曰上護軍祿六十一石從二品布政都指揮同知階文初授中奉大夫陞通奉大夫加正奉大夫武初授鎮國將軍陞定國將軍加奉國將軍勲文曰正治卿武曰護軍祿四十八石正三品太子賓客侍郎副都御史通政使大理太常卿詹事府尹按

察使副留守都指揮僉事指揮使階初授嘉議大夫
陞通議大夫加正議大夫武初授昭勇將軍陞昭毅
將軍加昭武將軍勲文曰資治尹武曰上輕車都尉
祿三十五石從三品光祿太僕苑馬卿叅政運使留
守指揮同知衛指揮同知宣慰使階文初授亞中大
夫陞中大夫加太中大夫武初授懷遠將軍陞定遠
將軍加安遠將軍勲文曰資治少尹武輕騎都尉祿
二十六石正四品僉都御史通政大理太常太僕苑
馬少卿少詹鴻臚卿京府丞副使知府衛指揮僉事
宣慰同知階文初授中順大夫陞中憲大夫加中議

大夫武初授明威將軍陞宣威將軍加廣威將軍勲
文曰贊治尹武曰上騎都尉祿二十四石從四品祭
酒叅議運司宣慰副使宣撫階文初授朝列大夫陞
朝議大夫加朝請大夫武初授宣武將軍陞顯武將
軍加信武將軍勲文曰贊治少尹武曰中騎都尉祿
二十石正五品華蓋謹身武英三殿文淵東閣春坊
大學士翰林學士庶子通政叅議大理寺丞尚寶卿
光祿少卿郎中欽天上林監正太醫院使治中宗人
經歷按察僉事府同知長史儀衛正正千戶宣慰僉
事宣撫同知階文初授奉議大夫陞奉政大夫武初

授武德將軍陞武節將軍勲文曰修正庶尹武曰駘
騎尉祿十六石從五品侍讀侍講學士諭德洗馬尚
寶鴻臚少卿負外五府經歷知州運副正提舉京府
判衛所鎮撫副千戶儀衛副招討使宣撫副安撫使
階文初授奉訓大夫陞奉直大夫武初授武略將軍
陞武毅將軍文曰協正庶尹武曰飛騎尉祿十四石
正六品大理寺正詹事丞中允侍講侍讀司業太常
太僕寺丞尚寶司丞都察院留守司都司經歷京知
縣通判上林欽天監副五官正太醫院判兵馬指揮
新事百戶典仗審理正神樂觀提點長官副招討宣

撫僉事階文初授承直郎陞承德郎武初授昭信校尉陞承信校尉祿十石從六品贊善司直郎終拱光祿鴻臚寺丞大理寺副署正京府推官布政司經歷正理問運判州同知正提舉安撫副長官副階文儒初授承務郎陞儒林郎吏曰宣德郎武初授忠顯校尉陞承信校尉祿八石正七品都給事中監察御史編修大理評事行人司正五府都察院留守司都司都事通政司按察司經歷太常博士典簿兵馬副營膳正京縣丞府推官知縣副斷事審理副安撫僉事垂身長官階文儒初授承事郎陞文林郎吏曰宣義

卽武初授忠靖校尉陞忠勇校尉祿七石五斗從七
品檢討給事中中書舍人行人司副光祿典簿署丞
詹事太僕主簿京府經歷靈臺卽祠祭署奉祀州判
副提舉布政司都事副理問衛運司宣慰經歷蠻峯
副長官階文初授從仕郎陞徵仕郎武初授敕武校
尉陞修武校尉祿七石正八品國子監丞五經博士
行人部院司照磨通政司衛按察司運司知事京縣
欽天監主簿保章正御醫協律郎營膳副王府典膳
奉祀等所正府經歷縣丞階初授迪功郎陞修職郎
祿六石六斗從八品翰林典簿國子助教典簿博士

光祿錄事監事鴻臚主簿京府運司知事掣壺正祠
祭署祀丞布政司照磨王府典膳奉祀等所副宣撫
經歷和觀階初授迪功郎陞修職佐郎祿六石正九
品校書侍書國子學正部院司檢校鴻臚署丞上林
典署監候司歷營繕丞各館局大使京府照磨贊禮
郎奉養府及宣慰安撫知事縣主簿階初授將仕郎
陞登仕郎祿五石五斗從九品待詔詹事上林錄事
司諫通事舍人正字司務國子學錄典籍鳴贊序班
詔舞司樂司展漏刻博士京府檢校京縣典史院司
衛州所各吏目内外教授府照磨司獄巡檢驛丞各

大使副使僧道陰陽雜職階初授將仕佐郎陞登仕
佐郎祿五石

清國文階

既錄明朝官職故又攷清國品階正一品太師太傅
太保太學士從一品少師少傅少保太子太師太傅
太保各部院尚書都察院左右都御史光祿大夫
祿銀一百八十兩米一百八十斛正二品太子少師
少傅少保各省總督部院左右侍郎資政大夫從二
品內閣學士翰林院掌院學士各省巡撫布政使通
奉大夫祿銀一百五十兩米一百五十斛正三品都

察院左右副都御史宗人府府丞通政使大理寺卿
詹事太常寺卿順天府奉天府府尹按察使通議大
夫從三品光祿寺卿太僕寺卿監運使中議大夫祿
銀一百三十兩米一百三十斛正四品通政司副使
大理寺少卿少詹事太常寺少卿會同四譯少卿太
僕寺少卿鴻臚寺卿順天府奉天府府丞各省守巡
道中憲大夫從四品國子監祭酒內閣侍讀學士翰
林院侍讀學士侍講學士監運使運同各府知府朝
議大夫祿銀一百五十兩米一百五十斛正五品左右春
坊庶子宗人府事官通政司參議光祿寺少卿六科

掌印給事中給事中各部院郎中順天府奉天府治
中欽天監正大醫院使各府同知各直隸州知州奉
政大夫從五品翰林院侍讀侍講司經局洗馬宗人
府副理事官鴻臚寺少卿各道監察御史各部院員
外郎各州知州鹽運使運副鹽課司提舉奉直大夫
祿銀八十兩米八十斛正六品內閣侍讀左右春坊
中允國子監司業各部院主事宗人府主事經歷都
察院經歷都事理藩院主事大理寺左右丞太常寺
丞太醫院判欽天監副五官正京府通判兵馬使指
揮京縣知縣神樂觀提點各部通判聖廟管勾廳齋

奏廳承德郎從六品左右春坊贊善翰林院修撰光祿寺署正滿五官正布政司經歷理問鹽運司運判直隸州州同州同僧錄司闡教道錄司演法儒林郎祿銀六十兩米六十斛正七品翰林院編修大理寺評事太常寺博士典簿國子監丞內閣典簿通政司經歷各部院寺司庫各部院七品筆帖式太僕寺主簿京府教授四氏學教授兵馬司副指揮京縣縣丞七品朝鮮通事太醫院御醫通政司知事按察司經歷各縣知縣各府衛學教授聖廟啓事伴官司樂典籍知印書寫文林郎從七品翰林院檢討中書科中

書內閣中書庶事府主簿光祿寺典簿署丞國子監
博士助教鑒儀衛經歷太常寺祀祭署奉祀欽天監
靈臺郎布政司都事直隸州州判州判鹽運司經歷
順天府奉天府經歷各衛經歷徵仕郎祿銀四十五
兩米四十五斛正八品翰林院五經博士國子監學
正學錄理藩院知事欽天監保章正主簿太常寺協
律郎各部院八品筆帖式八品朝鮮通事布政司庫
大使按察司知事各府經歷各縣縣丞鹽課司大使
批驗大使運庫大使各州學正各縣教諭各部院司
務修職郎從八品翰林院典簿國子監典簿鴻臚寺

主簿欽天監掣壺正太常寺祀丞神樂觀知觀布政
司照磨鹽運司知事各部州縣衛學訓導僧錄司覺
義道錄司至義修職佐郎祿銀四十兩米四十斛正
九品禮部太常寺讀祝官贊禮郎會同館大使欽天
監五官監候五官司書太醫院吏目按察司照磨各
府知事茶馬大使各縣主簿登仕郎從九品翰林院
待詔詹事府錄事國子監典籍四譯館正教序班
鴻臚寺序班鳴贊製造庫司匠刑部司獄太常寺司
樂欽天監博士五官司晨按察司檢校司獄府照磨
府司獄倉大使稅大使道庫大使宮課司大使都稅

司大使各州吏目巡檢土司副巡檢僧綱司都綱道
紀司都紀府陰陽正術府醫學正科登仕佐郎

清國武階

正一品領侍衛內大臣建威將軍從一品內大臣八
旗滿洲蒙古漢軍都統外省駐防將軍烏魯木齊都
統察哈爾都統熱河都統提督振威將軍正二品左
右翼前鋒統領八旗護軍統領提督九門巡捕五營
步軍統領八旗滿洲蒙古漢軍副都統外省駐防副
都統鑾儀使總兵武顯將軍從二品散秩大臣副將
武功將軍正三品一等侍衛冠軍使火器營翼長健

銳營翼長步軍翼長色衣護軍統領圓明園總管鳥
槍營總前鋒叅領護軍叅領鳥槍護軍叅領驍騎叅
領陵寢叅領園場總管黑龍江管缸砲水手總管察
哈甫總管城守尉王府長史叅將武護都尉從三品
圓明園色衣營總色衣護軍叅領色衣驍騎叅領吉
林叅領黑龍江叅領察甫哈叅領駐防協領一等護
衛遊擊武翼都尉正四品二等侍衛雲揮使前鋒侍
衛副護衛叅領副鳥槍護軍叅領副前鋒叅領副驍
騎叅領佐領步軍協領信礮總管南苑總管陵寢副
總管陵寢司工匠園場翼長商都達布孫諾爾達里

因愛雲總管太僕寺馬廠駝廠總管黑龍江吉林等處會水手四品官防守尉司儀長聖廟百戶都司林廟守衛司昭武都尉從四品城門領包衣副護軍叅領包衣副驍騎叅領包衣佐領四品典儀二等護衛察哈爾副叅領察哈爾副佐領宣武都尉正五品三等侍衛治儀正步軍副將步軍校監守信砲官南苑門章京陵寢防禦陵寢管理燒造磚瓦官分管佐領蓋州牛庄二處滿洲掌印防禦關口守禦防禦黑龍江吉林等處管水手五品官守備武德騎尉從五品四等侍衛委署前鋒叅領委署護軍叅領委署鳥槍

護軍叅領委署前鋒侍衛五品典儀三等護衛下五
旗五品包衣叅領守禦所千總武德佐騎尉正六品
藍翎侍衛整儀尉親軍校前鋒校鳥槍護軍校驍騎
校護軍校陵寢祭祀供應官太僕寺馬廠駝廠翼長
黑龍江吉林等處管水手六品官榮千總門千總武
畧騎尉從六品六品典儀內務府大臣翎長委署步
軍校衛千總武畧佐騎尉正七品城門吏弓匠固山
達盛京遊牧正尉太僕寺馬廠駝廠固山達七品廕
監生把總武信騎尉從七品盛京遊牧副尉七品典
儀武信佐騎尉正八品盛京菜廩牧左右翼長八品

廕監生外委千總奮武校尉從八品將儀委署親軍
校委署前鋒校委署護軍校委署驍騎校副護軍校
奮武佐校尉正九品各校尉翼長內委把總修武校
尉從九品太僕額外外委修武佐校尉

八旗俸銀

一品俸銀八十一兩六錢薪銀一百四十四兩蔬菜
燭炭銀一百八十兩心紅紙張銀二百兩合六百六
兩二錢二品合銀五百十一兩五錢七分六厘三品
合銀二百五十七兩三錢四分四品合銀一百四十
七兩三錢九分四厘五品合銀九十兩七錢六厘六

品俸銀四十八兩七品俸銀三十六兩

文武辨品

一品文武朝帽頂上銜紅寶石中嵌文則康珠武則東珠二品銜珊瑚中嵌文則真紅寶石武則紅寶石三品文武銜藍寶石中嵌小紅寶石四品文武銜青金石中嵌小藍寶石五品文武銜水晶中嵌小藍寶石六品文武銜碑礪中嵌水晶七品文武中嵌小水晶八九品文武只花金頂

命婦職

一品只曰一品夫人二品只曰二品夫人三品淑人

四品恭人五品宜人六品安人七品孺人與明制同

各省

直隸山西陝西甘肅四川雲南貴州安徽浙江江蘇
江西福建湖北河南湖南山東廣西廣東

三代拜相

沈德符子溫溫子澮徐宗恭子命均命均子志修金
構子在魯在魯子致仁

祖孫拜相

南在孫智申叔舟孫用溉朴訔孫崇質盧開孫思慎
鄭光弼孫惟吉鄭昌衍孫太和致和知和沈貞孫守

慶金尚憲孫壽興壽恒崔鳴吉孫錫鼎錫恒徐景兩
孫文重金增孫錫曾李敬興孫順命健命觀命洪重
普孫致中閔鎮遠孫百祥李堦孫澂李天輔孫存秀

外祖孫拜相

沈溫外孫盧思慎李原外孫尹壕朴嘗外孫魚世謙
宋軼外孫洪暹鄭惟吉外孫金尚容尚憲俞泓外孫
金自點申欽外孫趙師錫朴世采韓孝純外孫呂聖
濟呂聖齊外孫吳命恒金增外孫徐文重元斗杓外
孫李健命觀命沈之源外孫李堦李行遠外孫柳鳳
輝閔鼎重外孫洪致中李堦外孫徐命善金構外孫

徐志修閔鎮遠外孫李激金若魯外孫朴宗岳朴宗
岳外孫趙斗淳

父子拜相

黃喜子守身鄭昌孫子佶李仁孫子克培克均慎承
善子守勤洪彦弼子暹鄭惟吉子昌衍尹斗壽子昉
鄭太和子載嵩閔鼎重子鎮長金壽恒子昌集趙師
錫子恭耆柳尚運子鳳輝李世白子宜顯李台佐子
宗城趙文命子載浩李觀命子徽之李福源子時秀
金煜子載績

兄弟拜相

尹士盼弟士昕李克培弟克均許琮弟琛李苞弟荇
沈連源弟通源金尚容弟尚憲鄭太和弟致和金壽
興弟壽恒閔熙弟黯尹趾善弟趾完崔錫鼎弟錫恒
李觀命弟健命趙文命弟顯命金若魯弟尚魯鄭羽
良弟翬良申晚弟晦洪鳳漢弟隣漢金弘根弟興根

叔侄拜相

韓確侄致亨成奉祖侄俊金礪侄壽童金詮侄安老
柳順汀侄溥鄭致和侄載嵩李端夏侄畬徐文重侄
宗恭趙師錫侄恭億恭采趙恭采侄道彬閔鼎重侄
鎮遠金構侄若魯尚魯李健命侄徽之趙顯命侄載

浩

舅甥拜相

柳璵甥李德馨金壽興壽恒甥李濡權尚夏李世白
洪致中甥李宗城金在魯甥徐志修申晚晦甥兀仁
孫

翁婿拜相

閔霽婿盧閑李原婿權曄權曄婿慎守勤韓伯倫婿
龜城君浚鄭昌孫婿金碩宋軼婿洪彥弼李山海婿
李德馨金尚容婿張維尹承勲婿李敬輿韓勳元婿
金命元李厚源婿金錫胄李行遠婿柳尚運李慶億

婿崔錫鼎尹趾善婿閔鎮遠金構婿徐命均李觀命
婿金致仁鄭羽良婿金尚喆李天輔婿趙璫俞拓基
婿尹蕃東

甥妹拜相

尹士盼士昕妹成奉祖龜城君浚妹慎承善李山海
妹金應南洪致中妹李台佐李濡妹權尚夏金在魯
妹徐命均鄭羽良輩良妹李昌誼

友婿拜相

徐宗泰崔奎瑞李塏李光佐李健命李塏李濡李宜

顯

查家拜相

慎承善權擘洪暹沈守慶李時白金自點趙翼金構
徐宗恭李世白閔鎮遠李塏金在魯李觀命洪樂性
金尚魯鄭存謙李福源金尚喆徐命善金陽澤李微
之鄭弘淳李在協金尚喆李性源

屢代拜相

沈德符子溫孫澮曾孫連源通源連源從孫喜壽曾
孫悅從玄孫器遠八代孫壽賢俱為相之源亦為德
符十代孫一門拜相者十人鄭光弼孫惟吉惟吉子
昌衍侄芝衍昌衍孫太和致和知和太和子載嵩載

嵩侄弘淳孫錫五為七代十相金尚容弟尚憲孫壽
興壽恒曾孫昌集為三代五相徐景雨子文重文重
侄宗恭宗恭子命均孫志修志修再從叔命善為五
代六相閔鼎重子鎮長鎮長從弟鎮遠從侄應洙鎮
遠孫百祥為三代五相

隱逸拜相

鄭仁弘宋時烈許穆朴世采尹拯權尚夏

南行拜相

裴克廉金士衡沈德符李居易李茂權仲和趙英茂
柳廷顯沈溫姜筮趙洎盧閑李貴齡南智韓確韓明

澮黃守身沈澮康純尹士盼韓伯倫成奉祖尹士昕
韓致亨慎守勤沈器遠金自點李時白元斗杓

武臣拜相

崔潤德洪達孫朴元宗申景禎具仁屋李浣

國舅拜相

閔霽沈溫韓明澮韓伯倫尹壕慎承善韓確張維趙
文命

宗臣拜相

世祖潛邸時龜城君浚

拜相不膺

張維宋時烈尹拯權尚夏崔奎瑞閔鎮長趙墩

大臣六卿

兼吏判柳成龍韓繼美兼兵判韓明澮朴淳金錫胄
李光佐兼戶判沈悅兼禮判申叔舟

大臣軍銜

都元帥許琮李克均尹弼商柳順汀金命元金自點
李弘胄吳命恒成俊都體察使柳廷顯具致寬柳成
龍李恒福尹斗壽李元翼金添都巡察使韓應寅

大臣文衡

申叔舟申用漑成世昌魚世謙金安老李山海柳成

龍李衍金湓金壽恒趙恭億鄭景良南九萬崔錫鼎
金鍾秀

致仕拜相

李舒權仲和李光佐金致仁

起復拜相

黃喜鄭昌孫朴承宗張維鄭太和金壽童

相臣封勲

開國功臣裴克廉趙浚金士衡南在鄭擢李稷李舒
趙英茂韓尚敬定社功臣河崙佐命功臣成石璘朴
閔李原柳亮趙洎靖難功臣鄭獬趾韓確李思哲權

擊洪達孫崔恒韓明澮申叔舟洪允成佐翼功臣鄭
昌孫姜孟卿洪達孫黃守身朴元亨具致寬曹錫文
尹子雲金礪李克培敵愾功臣許琮尹弼商金國光
翊戴功臣沈澮韓伯倫盧思慎洪應慎承善魚世謙
佐理功臣尹士昕成奉祖韓致亨靖國功臣朴元宗
成希顏柳順汀柳洵金壽童宋軼沈貞金克成權鈞
光國功臣俞泓尹斗壽韓應寅李陽元鄭澈李山海
柳成龍平難功臣金貴榮柳璵李憲國金命元扈聖
功臣李恒福李元翼金應南柳永慶崔興源鄭琢靖
社功臣金瑩申景禎崔鳴吉李時白張維元斗杓具

仁厚李厚源洪瑞鳳振武功臣南以雄保社功臣金
錫胄奮武功臣吳命恒趙文命趙顯命

相臣賜宅

黃喜李元翼許穆

相臣清白

李原黃喜柳寬孟思誠鄭文炯許琛具致寬金銓安
珙李浚慶李元翼沈守慶李恒福柳成龍金尚憲李
時白洪命夏李尚真

相臣几杖

成石麟許稠申瓘河演韓明澮李克培盧思慎尹塲

魚世譙柳洵鄭光弼洪彥弼尹仁鏡尚震尹溉李浚
慶李蕡洪暹盧守慎李元翼李景奭鄭隣趾金宗瑞
鄭昌孫成奉祖鄭惟吉權輶許積權大運許穆洪樂
性金思穆鄭元容

相臣致仕

李舒權仲和柳廷顯柳寬黃喜孟思誠河演柳洵沈
守慶柳成龍宋時烈南九萬崔奎瑞李光佐閔鎮遠
李宜顯李台佐金興慶金在魯俞拓基金尚魯鄭珵
洪鳳漢金致仁鄭存譙李敬一南公輶金道喜金興
根李景在趙斗淳

相臣早科

李穰金宗瑞十六登科李原河演李衍十八閔霽河
崙鄭隣趾十九成石磷申槩姜孟卿李克均黃憲李
德馨崔鳴吉鄭致和鄭元容二十

相臣早拜

龜城呂浚二十八拜相李德馨三十八李貴齡南智
朴元宗四十申叔舟四十一奇自獻李恒福四十三
權擘李穰沈溫韓伯倫金壽恒徐龍輔四十四洪允
成金炳學四十五朴嘗金碩黃憲宋演明四十七趙
浚李茂姜孟卿韓明澮鄭太和金壽興吳始壽四十

八沈澹柳順訂成希顏南衣柳成龍金應南李元翼
金錫胄李頤命俞拓基閔百祥洪鳳漢四十九

相臣晚拜

權仲和八十三拜相許穆尹拯八十一柳寬康純七
十九張頊孫鄭澔七十八鄭仁弘金尚憲權尚夏七
十七具仁厓七十六權軫沈守慶李憲國李弘胄七
十五韓孝純徐邁修七十四睦來善李沆七十三金
尚容徐景雨南以雄趙相愚崔奎瑞鄭晚錫七十二
趙翼李敬一李書九七十一沈德符許稠河演尹塚
李苞鄭琢沈悅金靖李時白尹趾善林漢浩七十

老耄相臣

李貴齡享年九十四黃喜金思穆俱九十鄭澔八十
九柳寬鄭仁弘李元翼權大運睦來善許穆俱八十
八權仲夏李敬一俱八十七成石磷鄭昌孫尹極崔
奎瑞俱八十六鄭昌衍八十五沈守慶尹趾完俱八
十四鄭隣趾金尚憲南九萬宋時烈俱八十三張順
孫洪暹俱八十二鄭琢具仁堂權尚復金尚喆洪樂
性俱八十一康純李時白李台佐蔡濟恭南公輓俱
八十

列朝院相

太宗朝韓尚敬文宗朝皇甫仁世祖朝崔恒睿宗朝
洪允成中宗朝洪彥弼仁宗朝尹仁鏡明宗朝李浚
慶仁祖朝金自點孝宗朝鄭太和顯宗朝許積景宗
朝李光佐英宗朝金尚喆正宗朝金鍾秀純祖朝沈
象奎憲宗朝權敦仁哲宗朝鄭元容

臨吊相臣

裴克廉趙浚趙英茂南在柳廷顯柳寬黃喜孟思誠
權軫韓確韓明澮金塗李廷龜申欽諸大臣之喪列
聖朝俱親臨吊問

配享相臣

趙浚南在河崙趙英茂鄭琢黃喜崔潤德許稠申槩
河演權擘韓確韓明澮朴元亨申叔舟鄭昌孫洪應
李復朴元宗成希顏柳順汀鄭光弼洪彥弼沈連源
李浚慶李元翼申欽金湜申景禎金尚憲鄭太和南
九萬朴世采尹趾完崔錫鼎李濡宋時烈金昌集崔
金瑞趙文命金在魯閔鎮遠俞彥錫金鍾秀李時秀
金載績金履齋趙寅永李相璠李憲球

相臣之數

太祖朝四人定宗朝五人太宗朝十一人世宗朝十
五人文宗朝二人端宗朝三人世祖朝十七人睿宗

朝三人成宗朝十一人燕山朝十一人中宗朝二十
三人仁宗朝二人明宗朝十二人宣祖朝三十二人
光海朝七人仁祖朝二十三孝宗朝八人顯宗朝
十一人肅宗朝三十八人景宗朝四人英宗朝四十
五人正宗朝二十一人純祖朝十八人憲宗朝七人
哲宗朝五人

奉朝賀之數

太宗朝七人世宗朝十四人文宗朝三人世祖朝三
人成宗朝八人中宗朝三人明宗朝二人宣祖朝三
人光海朝一人顯宗朝一人肅宗朝三人英宗朝三

十六人正宗朝十人純祖朝八人憲宗朝五人哲宗朝二人

耆社之數

自太祖朝至純祖朝庚寅共合五百二十三壽域之盛莫如東國自純祖後至當于位儲富而年益邵其數有不可量

文衡之數

定宗朝一人太宗朝一人世宗朝四人世祖朝二人睿宗朝一人成宗朝二人燕山朝四人中宗朝七人仁宗朝一人明宗朝五八宣祖朝十六人光海朝一

人仁祖朝十二人孝宗朝六人顯宗朝三人肅宗朝
二十一人景宗朝二人英宗朝二十人正宗朝五人
純祖朝九人憲宗朝二人哲宗朝四人

戎垣之數

自宣祖朝趙傲至哲宗朝合一百五十七文臣四十
皆勲戚及將薦也

閣臣之數

以提學入黃景源始其數九以直提學入洪國榮始
其數八以直閣入李象模始其數三十一以待教入
徐龍輔始其數三十自正宗丙申至憲廟壬寅合七

十八

清白吏之數

太祖朝二人太宗朝八人世宗朝十二人世祖朝五
人成宗朝十五人中宗朝十四人明宗朝五人宣祖
朝十一人仁祖朝八人肅宗朝二十人景宗朝六人
英宗朝五人補遺四人

